




Broj: 06-1-07-1-261/19  
Sarajevo, 22.05.2019. godine

Потпис овлашћене особе:  M.P.  
Sarajevo, 27-05-2019 godine.

Na osnovu člana 2.9 stav (1) tačka 14, a u vezi člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 11. i 15. Uputstva o dodjeli i prestanku mandata ("Službeni glasnik BiH", broj 37/14), te člana 25. stav (1) Statuta Grada Sarajeva („Službene novine Kantona Sarajevo“, broj: 34/08), u pravnoj stvari prestanka mandata Dodik Vedrana, vijećnika u Gradskom vijeću Grada Sarajeva, Centralna izborna komisija Bosne i Hercegovine je na 37. sjednici, održanoj dana 22.05.2019. godine, d o n i j e l a

## O D L U K U

### o prestanku mandata i dodjeli mandata sljedećem kvalificiranom kandidatu

- (1) **Dodik Vedranu**, vijećniku u Gradskom vijeću Grada Sarajeva, izabranom na Posrednim izborima 2016. godine sa kandidatske liste Grupe vijećnika: Vedran Dodik, Alma Jašarević i Minela Alić, utvrđuje se prestanak mandata sa danom 20.05.2019. godine.
- (2) Upraznjeni mandat iz člana (1) dispozitiva ove Odluke dodjeljuje se **Jašarević Almi**, sljedećem kandidatu sa kandidatske liste Grupe vijećnika: Vedran Dodik, Alma Jašarević i Minela Alić.

## O b r a z l o ž e n j e

Gradsko vijeće Grada Sarajeva dostavilo je Centralnoj izornoj komisiji Bosne i Hercegovine, dana 20.05.2019. godine, obrazac za utvrđivanje prestanka mandata izabranom članu tijela vlasti, propisno ispunjen od strane vijećnika Dodik Vedrana, te potpisan i od strane predsjedavajućeg Gradskog vijeća Grada Sarajeva, a kojim je Dodik Vedran, dana 20.05.2019. godine, podnio zahtjev za utvrđivanje prestanka mandata vijećnika u Gradskom vijeću Grada Sarajeva.

U usmenom kontaktu sa Dodik Vedranom potvrđena je vjerodostojnost i svojevolsnost podnesenog zahtjeva za utvrđivanje prestanka mandata u Gradskom vijeću Grada Sarajeva, u skladu sa članom 2.9 stav (1) tačka 14. Izbornog zakona Bosne i Hercegovine.

Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

S tim u vezi, a na osnovu člana 13.10 stav (2) Izbornog zakona Bosne i Hercegovine i člana 25 stav (1) Statuta Grada Sarajeva, mandat vijećnika u Gradskom vijeću Grada Sarajeva dodjeljuje se Jašarević Almi, sljedećem kandidatu sa kandidatske liste Grupe vijećnika: Vedran Dodik, Alma Jašarević i Minela Alić, za Gradsko vijeće Grada Sarajeva.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine, člana 11. i člana 15. Uputstva o dodjeli i prestanku mandata i člana 25. stav (1) Statuta Grada Sarajeva, odlučila kao u dispozitivu ove Odluke.

**Pravna pouka:** Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.



Dostavljeno:

- Dodik Vedran,
- Jašarević Alma,
- Gradsko vijeće Grada Sarajeva, nakon pravomoćnosti,
- a/a.